



*Selasa 22 Desember 2020*

**Ogen: Masmur 73 : 28**



**Rembak Ras Dibata**



**K**ita tidak perlu berteriak melintasi ruang untuk menemukan Tuhan. Dia lebih dekat dari jiwa kita sendiri, lebih dekat dari pikiran kita yang paling rahasia (Awe Tojer). Enda sada kata motifasi man banta si ngertiken maka Tuhan e ndeher bas kita nari la perlu kita megang ngerana ngelebu IA, sebab Tuhan e deheren asangkan tendinta jine, IA lit i bas kerina detak nafasta. IA deheren asangkan kai siukuri kita, ndauh asangkan si ngasup kita ngukurkensa Tuhan ngasup ngelakoken sa i bas kegeluhenta. Tuhan meteh kai si lit i bas perukurenta si terbuni, perbahanenta si rahasiana kel pe ieteh Tuhan. Lit istilah si ipake man banta rakyat Indonesia enda *“Indonesia no satu orang paling banyak beragama di dunia tapi masih terkorupsi.”* Engkai maka si bagenda banci jadi? Kita er-agama tapi la nggeluh i bas kata Dibata, la nggeluh rikut ken si ngena ate Dibata. Emaka perlukel bagi renungenta sendah arah tema : Rembak ras Dibata, *en Cristo* nggeluh i bas kata Dibata. Adi tuhu tuhu kita nggeluh i bas Dibata maka perbahanenta pe bagi si ngena ate Dibata.

Jadi sada perenungen man banta i bas masa pandemi, selama enda ibereken Dibata kesempatan man banta reh ku gereja, ersembah i rumah pertoton, tapi bali nge perbahanenta i gereja ras i bas inganta erdahin sedekah enda? I gereja sikataken puji Tuhan, la kinlah i darat gereja sipudiken Tuhan? 10 bulan enda la kita banci ku rumah pertoton, e jadi sada kesempatan man banta guna nggargari diri, enggo nge kita tuhu-tuhu nggeluh i bas kata Dibata? enggo nge kita ngelakoken bagi si ngena ate Tuhan i bas kegeluhenta? Waktuna kita kundul teneng I lebe-lebe. Nggargari diri iadepen Tuhan gelah sentudu kiniteken ras perbahanenta. Masmur 73:28, “Tapi adi aku, senang kel kuakap adi rembak ras Dibata, Tuhan Dibata kubahan man inganku cicio, gelah banci kuberitakan kerina perbahanenNa.” Emaka la terjeng i gereje kita banci jumpa ras ersembah man Tuhan, tapi i bas kerina dampar kegeluhenta, si lakoken bagi singena ate Tuhan. Erkiteken kerembaken ras Tuhan maka lit sura-sura guna erberita naksiken kuasa ras kemulian Tuhan i bas kegeluhen. I bas Tuhan ngenca lit kesenangan, adi kita rembak ras Tuhan, perbahanenta pe la lit si salah janah e erbahansa la kita mbiar ersaksi kerna Tuhan.